



LAPORAN LIPUTAN MEDIA
SELASA / 15 DISEMBER 2020

- 1. INISIATIF MADA TINGKATKAN PENDAPATAN PETANI – SINAR HARIAN**
- 2. DIBUANG KERJA TIDAK PATAH SEMANGAT JADI USAHAWAN TANI –
UTUSAN MALAYSIA**

DISEDIAKAN OLEH :
CAWANGAN KOMUNIKASI KORPORAT

Inisiatif MADA tingkatkan pendapatan petani

ALOR SETAR - Lembaga Kemajuan Pertanian Muda (MADA) memperkenalkan pelbagai program untuk meningkatkan pendapatan petani selain berusaha mengatasi permasalahan tanaman padi sejak 50 tahun lalu.

Pengurus Besarinya, Datuk Fouzi Ali berkata, antaranya ialah Program Penanaman Padi Skala Besar yang bermatlamat untuk meningkatkan pendapatan petani dalam industri padi di kawasan Muda.

Beliau bagaimanapun berkata, pihaknya berharap inisiatif itu mendapat kerjasama petani serta generasi penerus sama ada di kawasan Muda mahupun perantauan untuk menyokong MADA ke arah mengkomersialkan industri padi negara.

"Matlamat kita adalah un-

tuk memajukan kesejahteraan hidup sebilangan besar penduduk desa dan melebihi hasil untuk negara. MADA telah memacu industri penanaman padi di kawasan Muda seluas 100,685 hektar bagi menjamin pengeluaran makanan ruji negara," katanya dalam satu kenyataan pada Isnin.

Fouzi berkata, sehingga kini, purata hasil padi direkodkan adalah sebanyak 6 metrik tan dengan penanaman padi dua kali setahun.

"Pada tahun 2000, purata hasil padi bagi kawasan Muda ialah 5.7 metrik tan sehektar dengan penanaman padi dua kali setahun berbanding 3.37



FOUZI

metrik tan sehektar pada tahun 1970.

Peningkatan hasil padi ini turut menyumbang kepada peningkatan pendapatan peladang di kawasan Muda," katanya.

Menurutnya, berdasarkan tinjauan pada tahun 2018, kurang daripada satu peratus peladang di kawasan itu berada di bawah paras kemiskinan berbanding lebih 70 peratus pada lima dekad lalu.

"Kementerian Pertanian dan Industri Makanan (MAFI) berusaha keras bagi meningkatkan kepadatan infrastruktur peringkat ladang. Bermula dengan Projek Pembangunan Tersier Muda II pada tahun 1979 sehingga 2010, ia diterus-

kan dengan Projek Pemacu Pertanian sejak tahun 2011 bagi meningkatkan kepadatan infrastruktur di kawasan ini kepada 30 meter per hektar," katanya.

Fouzi berkata, terkini sebanyak 48 daripada 172 blok pengairan telah ditingkatkan kepadatan infrastrukturnya.

"Golongan petani sentiasa mendapat pembelaan kerajaan. Sejak empat dekad lalu, kerajaan Persekutuan memperkenankan pelbagai insentif, bantuan dan subsidi kepada penanam padi bagi mengurangkan kos operasi ladang dan insentif bagi meningkatkan hasil padi.

"Antaranya ialah Subsidi Baja Padi Kerajaan Persekutuan, Skim Insentif Pengeluaran Padi, Subsidi Harga Padi dan Subsidi Benih Padi Sah. Ter-

kini bagi meningkatkan kelancaran pengedaran benih padi sah, Pertubuhan Peladang Kebangsaan (Nafas) telah dilantik sebagai pengedar tunggal bagi mengatasi masalah edaran dan manipulasi harga," katanya.

Secara keseluruhan, katanya, subsidi dan insentif kerajaan kepada penanam padi di peringkat tanaman dan pengeluaran bernilai RM4,095 sehektar.

"Pengeluaran padi di Kawasan Muda menyumbang kepada hampir 43 peratus pengeluaran padi negara.

"MADA bersama 27 Pertubuhan Peladang Kawasan (PPK) dan 496 Unit Pertanian Kecil di seluruh kawasan Muda sentiasa berganding erat mengadakan libat urus bersama petani untuk mendengar keluh kesah mereka," katanya.

KERATAN AKHBAR : UTUSAN MALAYSIA

TARIKH : 15 DISEMBER 2020

PERKARA : PERTANIAN

Dibuang kerja tidak patah semangat jadi usahawan tani

PONTIAN: Pemuda ini sebelum ini menikmati gaji sebanyak S\$1,700 (RM5,100) di sebuah restoran makanan segera di Singapura, namun, berikutan kesan pandemik Covid-19 di samping pintu sempadan ditutup menyebabkan pekerjaannya sebagai pengurus cawangan ditamatkan.

Namun, bagi Mohd. Lokman Kumasi, 25, perkara itu tidak mematahkan semangatnya mencari laluan baharu bagi meneruskan kehidupan dengan mencuba sebagai usahawan tani tanaman peria gantung di Kampung Parit Mohayat, Ayer Baloi di sini.

"Saya pada mulanya bingung kerana baru sahaja berkahwin, tetapi, dalam masa yang sama telah hilang pekerjaan apatah lagi perlu menyara kehidupan bersama isteri, Siti Azmira Doman yang bertugas sebagai jurutera elektrik di Subang, Selangor.

"Namun, pada satu petang, ibu membawa saya melihat sebidang tanah di Ayer Baloi dan ketika perjalanan balik singah ke projek tanaman timun gantung secara fertigasi diusahakan seorang usahawan tempatan, Nor Azman Mohd. Erhan," katanya ketika ditemui *Utusan*



MOHD. Lokman Kumasi melihat pokok peria gantung di Kampung Parit Mohayat, Ayer Baloi, Pontian, Johor.
-UTUSAN/ MUHAMMAD ZIKRI

Malaysia di sini baru-baru ini.

Tambah Mohd. Lokman, laluan secara tidak sengaja itu telah menarik minatnya menceburi bidang pertanian setelah mendengar kisah Nor Azman

yang kini menjadi pengusaha tanaman timun gantung berjaya di daerah Pontian.

"Saya mengambil keputusan menanam peria gantung secara fertigasi di atas tanah seluas

lebih satu ekar dengan kos permulaan sebanyak RM60,000 termasuk RM20,000 pemberian ibu," katanya.

Katanya, dia amat berterima kasih kepada Nor Azman yang

dianggap sebagai guru walaupun baharu sahaja berkenalan tetapi tidak lokek-berkongsi ilmu mengenai tanaman kaedah fertigasi itu.

Mohd. Lokman memaklumkan, dia tidak sangka keputusan untuk pulang ke sini seketika bagi menguruskan perkahwinan bersama isteri pada Mei lalu berakhir dengan berita sedih apabila majikan memutasikan untuk memecatnya.

Lelaki berkelulusan ijazah sarjana muda kejuruteraan elektrik sebuah universiti tempatan menyifatkan pemecatan tersebut sebagai takdir dan menganggapnya sebagai sudah tiada rezeki di Singapura serta perlu menerima hakikat untuk terus berbakti pada tanah air sendiri.

Ditanya mengenai reaksi isterinya dengan keputusan bidang itu, dia berterima kasih di atas sokongan yang diberikan kerana memahami langkah yang diambil itu.

"Namun, saya menanti penuh debar hasil tuaian pertama peria yang dijangka penghujung bulan ini dengan harga ketika ini RM5.50 satu kilogram dan anggaran pengeluaran sebanyak 20 tan," katanya.